

省譜序

余族各支隸籍楚南久矣人知余族祖自溧陽而不知祖溧陽者不獨余楚南十餘支又何知余宇內宗人皆與余楚南宗人爲一家焉三十世高隱諱惟則由溧徙淞之四明由四明復徙四方者舊譜甚詳稽郴桂岳州永順慈利藍山新田陰瀏潭醴皆同出四明惟則公之胞兄諱彥虬亦支蕃裔衆今省譜常衡寶慶益陽安福宜章省城諱松者

及余支皆同出溧陽此兩大支其忠臣孝子詩書
相繼代有聞人卽常桂等支科第蟬聯甲乎郡邑
更有崇祀鄉賢祠者一世祖溧陽侯名崇公自山
東平陵而遷此溧明楚南及各省共祖諱崇公溯
而上之至於周成王時佚衛大夫鮪舊譜猶畧余
父炳文每道及曾祖玳菴公與祖父國鈞公於雍
正乙巳乾隆丁卯兩次倡族建祠遷延事寢嘉慶
壬申祠宇竣工重有賴於族兄斐然糾合族衆覺

邇年間居閱斐然所纂省譜原原委委井然不紊
展卷瞭如指掌夫修譜如修史五難三長非其人
莫任族斐然非亢宗之令子也耶譜牒登諸梨棗
祠宇序其昭穆光前裕後上而祖宗嘉賴下而子
孫效法微夫人之力不及此余不敏敬隨族衆特
表而章之

時

嘉慶十七年歲次壬申季夏月

穀旦

五十五世孫長邑後菴覺善薰沐敬謨

